

bets nicht / vnnnd gehet nicht hinaus. Item, Der Apostel Paulus / da er zu den Eltisten auß Epheso sagt / So habt nun acht auff euch selbst / vnd auff die ganze Herde / & c. Seid wacker vnd dencket daran / wie ich euch ermahnet habe. Vnd zu Corinthern / Meine liebsten / fliehet von dem Gözendienst. Vnnnd zu Thessalonichern / Lasset euch nicht bewegen von eurem Sinne / noch abschrecken / Vnd bald hernacher / lasset euch Niemandt verführen in keinerley weise. Vnd zum Timotheo, Des vngestlichen losen Geschwesses entschlage dich / denn es hilfft viel zum vngöttlichen wesen / Vnd bald hernach / der thörichtten vnnnd vnnützen Fragen entschlage dich / denn du weist das sie nur Zank gebhren. Vnd zum Tito, Einen Kezerischen Menschen meide / wenn er einmahl vnnnd abermahl ermahnet ist. Item, dem Apostel Petro vnnnd Johanni, in ihrer außführlichen Beschreibung der Kezer / vnd wieder Christen / vnnnd daran gehengten Warnungen / Welche du an ihren örtern lesen kanst. Vnd dergleichen Ermahnungen vnd Warnungen / ist die ganze H. Schrift hin vnd wieder voll.

Actor: 20.

v. 28. 31.

2. Cor: 10. 14

2. Thes. 2.

v. 2. 3.

2. Tim: 2.

v. 16. 23.

Tit. 3. v. 10.

Z. Wie kan ich mich aber für ihnen so eben vorsehen? Sie seindt mir viel zu listig vnd geschwinde / vnnnd ich bin viel zu einfeltig / das ich mich in das Werk nicht wol schicken kan.

M. Die einfalt thete dir wol den schaden nicht / Sonsten ist's wol nicht ohne / das grosser mangel an dir vnnnd mir gespüret wirdt / Warumb vns die Ergermüssen / so gar baldt einnehmen / auch kaum auß stadt bey vns finden.

Z. Wie meinstu das?

M. Ich wil dir's außführlicher erklären / vnnnd zwar auß Christi eigener anleitung / Gib du nur fleissige achtung darauff.

E iij

Z. Wol-